

2. Ovaj Zaključak stupa na snagu danom donošenja i objavit će se u "Službenim novinama Kantona Sarajevo".

Broj 02-04-25003-1/21
15. juna 2021. godine
Sarajevo

Premijer
Edin Forto, s. r.

Ministarstvo za odgoj i obrazovanje Kantona Sarajevo

Na osnovu člana 16. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21), ministrica za odgoj i obrazovanje Kantona Sarajevo donosi

PRAVILNIK

O FORMIRANJU I RADU KOMISIJE ZA PROVOĐENJE PROCEDURE PO JAVNOM POZIVU ZA DODJELU SREDSTAVA NEPROFITNIM ORGANIZACIJAMA I UDRUŽENJIMA NAMIJENJENIH FINANSIRANJU/ SUFINANSIRANJU PROJEKATA IZ OBLASTI ODGOJA I OBRAZOVANJA IZ BUDŽETA KANTONA SARAJEVO SA POZICIJE MINISTARSTVA ZA ODGOJ I OBRAZOVANJE KANTONA SARAJEVO

Član 1.

(Predmet Pravilnika)

Ovim pravilnikom preciznije se uređuje formiranje Komisije za provođenje javnog poziva kao i postupak po javnom pozivu za dodjelu sredstava neprofitnim organizacijama i udruženjima namijenjenih za finansiranje/sufinansiranje projekata mladih iz oblasti odgoja i obrazovanja iz Budžeta Kantona Sarajevo sa pozicije Ministarstva za odgoj i obrazovanje Kantona Sarajevo (u daljem tekstu: Komisija).

Član 2.

(Objava javnog poziva)

Javni poziv za dodjelu sredstava neprofitnim organizacijama i udruženjima namijenjenih za finansiranje/sufinansiranje projekata mladih iz oblasti odgoja i obrazovanja iz Budžeta Kantona Sarajevo sa pozicije Ministarstva za odgoj i obrazovanje Kantona Sarajevo (u daljem tekstu: javni poziv) objavljuje Ministarstvo u jednom od dnevnih novina velikog tiraža i na web stranici Ministarstva za odgoj i obrazovanje (u daljem tekstu: Ministarstvo).

Član 3.

(Imenovanje Komisije)

Imenovanje Komisije vrši Ministarstvo, a Komisiju sačinjavaju:

- dva člana iz reda zaposlenika Ministarstva;
- dva člana iz reda komisija Skupštine Kantona Sarajevo;
- jedan član kojeg predloži premijer Kantona Sarajevo.

Član 4.

(Zadaci Komisije)

Zadaci Komisije su:

- prijem pristiglih prijava,
- pregledanje pristiglih prijava,
- utvrđivanje ispunjenosti formalno-pravnih uvjeta za učešće u javnom pozivu (blagovremenost, urednost i potpunost prijava),
- sačinjavanje preliminarne rang liste neprofitnih organizacija i udruženja koji ispunjavaju uvjete za dodjelu sredstava,
- objava preliminarne rang liste na web stranici Ministarstva,
- sačinjavanje izvještaja o radu,
- sačinjavanje konačne rang liste i
- sačinjavanje prijedloga za dodjelu sredstava sa naznačenim prijedlogom iznosa sredstava koji

dostavlja ministrici za odgoj i obrazovanje Kantona Sarajevo.

Član 5.

(Rad Komisije)

- Komisija radi u sjednicama.
- Svaki član Komisije je obavezan pregledati prijavu i dati svoju ocjenu o njoj.
- Preliminarnu rang listu utvrđuje Komisija, na osnovu ostvarenih ocjena podijeljenih sa pet.
- Komisija je obavezna predložiti rješenje o eventualnim prigovorima na preliminarnu rang listu.
- O prigovorima na preliminarnu rang listu odlučuje ministrica za odgoj i obrazovanje Kantona Sarajevo.

Član 6.

(Donošenje odluke)

Na osnovu konačne rang liste ministrica donosi odluku o raspodjeli sredstava po svakoj pojedinačnoj prijavi.

Odluka ministricice za odgoj i obrazovanje Kantona Sarajevo je konačna.

Član 7.

(Zaključivanje ugovora)

Sa svakim dobitnikom sredstava potpisuje se ugovor uz precizno definisanje prava i obaveza ugovornih strana, a posebno:

- način praćenja realizacije odobrenog projekta,
- način praćenja namjenskog utroška dodijeljenih sredstava,
- elemente narativnog i finansijskog izvještaja o provođenju projekta koje će primalac sredstava obavezno dostaviti ministrici,
- rok za dostavljanje izvještaja od strane primaoca sredstava i
- druge elemente za koje Ministarstvo procijeni da su relevantni za zakonit i transparentan utrošak dodijeljenih sredstava.

Član 8.

Naknada za rad članova Komisije utvrdit će se na osnovu posebnog akta Vlade Kantona Sarajevo kojim je regulisana ova oblast.

Član 9.

(Terminološko korištenje rodova)

Korištenje rodova u ovom pravilniku podrazumijeva oba roda.

Član 10.

(Stupanje na snagu Pravilnika)

Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 11-05/02-02-22037/21

15. juna 2021. godine
Sarajevo

Ministrica
Naida Hota-Muminović, s. r.

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 96. stav (4), a u vezi sa članom 104. Zakona o srednjem obrazovanju ("Službene novine Kantona Sarajevo", broj 23/17 i 30/19), ministrica za odgoj i obrazovanje Kantona Sarajevo, donosi

PRAVILNIK

O IZMJENAMA PRAVILNIKA O VOĐENJU PEDAGOŠKE DOKUMENTACIJE I EVIDENCIJE U SREDNJOJ ŠKOLI I DOMU UČENIKA

Član 1.

(Izmjena člana 6.)

U Pravilniku o vođenju pedagoške dokumentacije i evidencije u srednjoj školi i domu učenika ("Službene novine Kantona Sarajevo", broj 4/19 i 9/19), u članu 6. riječi:

"Ministarstvo za obrazovanje, nauku i mlade", zamjenjuju se riječima: "Ministarstvo za odgoj i obrazovanje".

Član 2.

(Izmjena obrazaca)

- (1) U obrascima: SŠ10, SŠ16, SŠ16a, SŠ17, SŠ17a, SŠ17b, SŠ18, SŠ18a, SŠ18b, SŠ19, SŠ19a, SŠ28, SŠ29 i SŠ32, a koji su sastavni dio Pravilnika o vođenju pedagoške dokumentacije i evidencije u srednjoj školi i domu učenika riječi: "Ministarstvo za obrazovanje, nauku i mlade", mijenjaju se riječima: "Ministarstvo za odgoj i obrazovanje", a ostali dio teksta na obrascima ostaje nepromijenjen.
- (2) Pored obrazaca utvrđenih u stavu (1) ovog člana, u srednjim školama i domu učenika se, u školskoj 2020/2021. godini, mogu koristiti obrasci koji su važili do stupanja na snagu ovog pravilnika.

Član 3.

(Stupanje na snagu)

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 11-05/02-34-23110/21

14. juna 2021. godine
Sarajevo

Ministrica

Naida Hota-Muminović, s. r.

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 39. st. (1) i (5) i člana 47. i 119. tačka 5. Zakona o osnovnom odgoju i obrazovanju ("Službene novine Kantona Sarajevo", br. 23/17, 33 17, 30/19 i 34/20), ministrica za odgoj i obrazovanje Kantona Sarajevo donosi

**PRAVILNIK
O IZMJENAMA PRAVILNIKA O VOĐENJU
PEDAGOŠKE DOKUMENTACIJE I EVIDENCIJE U
OSNOVNOJ ŠKOLI**

Član 1.

(Izmjena člana 7)

U Pravilniku o vođenju pedagoške dokumentacije i evidencije u osnovnoj školi ("Službene novine Kantona Sarajevo", br. 46/18 i 3/20), u članu 7. riječi: "Ministarstvo za obrazovanje, nauku i mlade", zamjenjuju se riječima: "Ministarstvo za odgoj i obrazovanje".

Član 2.

(Izmjena obrazaca)

- (1) U obrascima: OŠ28, OŠ28A, OŠ29, OŠ30, OŠ31, OŠ33, OŠ34, OŠ34A, OŠ45, OŠ46 i OŠ47, a koji su sastavni dio Pravilnika o vođenju pedagoške dokumentacije i evidencije u osnovnoj školi riječi: "Ministarstvo za obrazovanje, nauku i mlade, Izdanje godine", mijenjaju se riječima: "Ministarstvo za odgoj i obrazovanje", a ostali dio teksta na obrascima ostaje nepromijenjen.
- (2) Obrazac: OŠ 32 se briše i zamjenjuje obrascem: OŠ32, koji je sastavni dio ovog pravilnika.
- (3) Pored obrazaca utvrđenih u stavu (1) i (2) ovog člana, u osnovnim školama, u školskoj 2020/2021. godini, mogu koristiti obrasci koji su važili do stupanja na snagu ovog pravilnika.

Član 3.

(Stupanje na snagu)

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 11-05/02-34-23112/21

14. juna 2021. godine
Sarajevo

Ministrica

Naida Hota-Muminović, s. r.